

NAMBA 5

Trinde Oktoba 7

Prais 10¢

ENSA OP — — — ENSA OP



YUMI MAS WOK WANTAIM OLSEM OL SOLDIA HIA.

YUMI PULIM KANTRI I GO HET. YUMI MANMERI BILONG OLKAIN SKIN NA KALA NA MISIN NA PLES NA TOK PLES, YUMI MANMERI BILONG BIKPLES NA BILONG OL AILAN, YUMI MANMERI BILONG NAMBIS NA HAILANS, YUMI MANMERI BILONG BIKTAUN NA BILONG BUS YUMI OLGETA I TAITIM BUN, PUL WANTAIM, WOK WANTAIM. OLSEM BAI NIUGINI I KISIM NAMBA.

LUKIM ANTAP KLOSTU LONG NEM WANTOK, . . . TUPELA HAN I SEKAN.

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prinim nem bilong yu tru orait yu raitim arapela nem bilong yu tu.

Skul I Mas Bekim Mani

Dia Edita.- Namba tu wari long ol pikinini meri i no ken winim skul. Watpo? Mipela i redim nius, harim redio na mipela i save pinis, tasol mipela i askim gen. Mi askim papamama long Niugini. Yupela pilim dispela lo i orait o nogut? Ol dispela pikinini man o meri, taim ol i stat long skul, mipela papamama i save lusim bikpela mani tru, stendet wan inap long 6. Long dispela yia pikinini meri bilong mi i skul long Tus-bab Hai Skul na mi lusim \$40.00. Sapos pikinini i lusim skul, husat i bekim dispela \$40.00?

Mi no harim long ol bikpela kantri bilong ol waitman ol i stapim ol pikinini meri long hai skul. Nogat. tru. Maski lo i pas long Haus Asembli, tasol ol distrik insait long Niugini i gat moa toktok yet long pikinini meri.

Alois Gami
Alexishafen

Ol Chimbu I Kros

Dia Edita.- Mi i bin ritim wanpela pas bilong Wantok na mi kros liklik. Em long dispela baset bilong dispela yia. Bilong wanem gavman i lusim bikpela mani olsem \$4,545,446.00 long Sentral Distrik? Bikos ol i laik wokim gutpela naispela taun bilong Teritori o mi no klia tumas long dispela. Mi

bin stap long Sentral Distrik sampela yia i go pinis, na mi no bin lukim gutpela ples bilong planim kaikai bilong salim na i no gat planti man tu long dispela hap.

Watpo gavman i no laik lusim bikpela mani olsem long hap bilong Chimbu? Long wanem 2/3 bilong pipal bilong Niugini i bilong Chimbu Distrik tasol. Na i no gat gutpela skul na i no gat gutpela rot, bris, wok didiman na olgeta samting bilong mekim kantri bilong mipela i kamap gutpela. Olsem na sapos yupela i laik kisim selp gavman na independens, orait, yu na gavman bilong yu mas go het. Mipela ol Chimbu bai stap bek na bihainim pasin bilong tumbuna bilong mipela. Long wanem i no gat planti skul bilong ol manki i ken go long en, na planti arapela samting.

Francis Gunua
Chimbu Distrik

Skulmeri Bekim Tok

Dia Edita.- Mi wanpela skulmeri long Yarapos Hai Skul klostu long Wewak. Mi ritim long Wantok niuspepa na sampela man i tok olsem, ol meri i no mas go long Hai Skul, ol i save westim taim na mani bilong papamama bilong ol.

Orait, nau mi laik bekim dispela tupela askim bilong ol o toktok bilong ol.

Em i no stret bikos kantri bilong yumi mas gat yangpela man na meri long mekim wok bilong helpim kantri bilong mipela i kamap gut olsem ol arapela kantri long dispela graun.

Em i tru, sampela meri i save marit taim ol i pinis trening. Tasol nau mipela i ken lukim long planti hap bilong Teritori bilong yumi planti

meri ol i wok olsem tisa, nes, welfe na long planti kain wok, tasol ol i no go bek long ples na sindaun, ol i kam bek na mekim wok bilong ol. Na tu sapos taim yumi laik kisim independens na ol waitman na meri i go bek long kantri bilong ol, na sapos wait-skiin meri i lusim wok bilong em, yu ting husat bai i kisim ples bilong ol? Mi ting sampela meri i bin go long Hai Skul bai i mekim dispela wok.

Na tu ol man tasol i no mekim olgeta wok. Olsem nes, infan welfe na samapim ol klos bilong putim long ol stua na em i no wok bilong ol man. Mi ting man i go pinis long Hai Skul em tu nating em i laik maritim savemeri na meri ken lainim gut ol pikinini long ol gutpela pasin. Sapos wanpela waitman o pren bilong man i kam, bambai meri inap kukim gutpela kaikai long ol o toktok long tok Inglis wantaim ol na dispela samting bai i mekim man bilong meri i hepi tumas.

Sapos yumi no wok wantaim, bai kantri bilong mipela i no ken kamap gut.

Getrude Momin
Wewak

Ol Nem I Kranki

Dia Edita.- Hia mi laik tok save long wanem kain nem bai kantri bilong yumi i gat long en.

Mi laikim bai nem yumi mas givim long kantri bilong yumi.

Sentral Distrik em yumi no ken kolim Port Moresby. Sentral Distrik yumi mas kolim olsem Sentral Distrik Papua. Na Port Moresby em bai i olsem bigtaun o siti long Niugini.

Olsem tu, long Sidni (Sydney) ol i no kolim

Kanbera (Canberra). Sidni (Sydney) ol i kolim Nu Saut Wels (New South Wales). Kanbera (Canberra) em i olsem biktaun o senta bilong Australia.

Olsem tu long Galp (Gulf) Distrik, i no ken kolim Galp (Gulf) Distrik, Kerema long hap bilong Papua, nogat kolim tasol Galp (Gulf) Distrik Kerema. Olsem tu long Sepik Distrik Wewak na i no ken kolim em i stap long hap bilong Niugini, nogat, tok tasol Sepik Distrik Wewak.

Yumi ken kolim kantri Niugini. Tasol yu ken tok save yu bilong wanem hap tru bilong Niugini: Sentral Distrik Papua o Galp (Gulf) Distrik Kerema?

Yupela i save kros na toktok nabaut long en bilong wanem?

Ol man bilong Amerika i no wari long Wasington (Washington) keptial o senta bilong olgeta pipal long U.S.A. long hap i go long Not na Saut.

Olsem wanem wari planti? Putim wanpela nem tasol na inap.

Johnny M. Serero
Lae.

Takis Na Baibel

Dia Edita.- Mi ritim pinis sampela pas ol i raitim long yu long dispela tok ol misin i mas baim kaunsil takis o nogat. Gutpela pasin bilong yumi manmeri, yumi mas lukim long Baibel na bihainim olsem. Baibel i gat ansa long olgeta kwesten.

Taim Jisas i stap long graun em i baim takis. Lukim Matyu 17:24-27. God kamapim gavman long helpim ol manmeri i sindaun gut. Gavman i save panisim man nogut na litimapim nem bilong ol gutpela man. Lukim Rom 13:1-7.

Gavman i save kisim mani we? Long yumi, manmeri bilong kantri. Na yumi Kristen i no ken

krai long dispela. God em i inapim mipela long baim takis. Mobeta ol misin i pasim maus na kaunsil yet i ken i tok, Orait, mipela lukim pinis. Yupela save helpim ol manmeri. Maski long baim takis." O sapos ol i tok. "Yupela tu mas baim takis." Orait, mipela ken pasim maus na bihainim lo bilong gavman. Lukim Rom 13:1 na 6.

Helen Marten
Ambunti

Mataungan I Traim Bikples

Dia Edita.- Long mun Ogas Redie Rabaul i bin tokaut long wokabaut bilong wanpela Sepik lida bilong wanpela lain bilong Mataungan, bambai kirap long Rabaul long go long Wewak na Madang bilong kirapim sampela nupela han bilong Mataungan Asosiesen long Niugini bikples.

Ol brata na susa bilong bikples Niugini, mi ken tokim yupela nau, wok bilong Mataungan Asosiesen i bagarapim mipela pinis ol gutpela Tolai. Planti taim yupela harim trabel long Rabaul nau long dispela taim. Ol i bin stat long ol Mataungan. Sapos yupela laik stap gut na ranim gut wok kaunsil bilong yupela stret, orait, maski long harim toktok na gris bilong ol memba bilong ol Mataungan. Ol lida bilong Mataungan long Rabaul na Kokopo, ol yangpela man tasol. Bipo long las yia, ol i bin paitim nogut ol gutpela lida bilong mipela ol Tolai. Bambai ol i kisim pawa na bosim ples bilong mipela. Ol dispela lida bilong Mataungan ol i no kukurai, na ol i no kaunsila, ol i man nating tasol. Ol man bilong mangal long save na bisnis bilong ol masta. Ol man bilong tok nogutim gavman bilong Australia long Niugini.

Ol man bilong rausim Malti-Resial Kaunsil. Ol man bilong pasim takis mani bilong kaunsil. Sapos ol i stat long wok long Wewak na Madang Distrik, bambai gutpela sindaun bilong yupela i bagarap, na bikpela hevi moa bambai kamap long ples na Distrik bilong yupela.

Sapos yupela i laik stap gut na redi isi isi long selp gavman bilong yumi, orait, helpim ol kaunsil bilong yupela, Edministresin Ofisa bilong yupela, na ol Misin bilong yupela na maski long harim tok gris na giaman bilong ol lida bilong ol Mataungan. I orait, ol i ken kem na tokim yupela long ol kain pasin na wanem samting ol i save mekim. Ol pipel bilong Namatanai long Nu Ailan ol i save pinis long giaman bilong ol Mataungan, na ol man bilong Duk av Yok Ailan na Mieko Ailan. Mipela tu ol Tolai yet, mipela i les pinis long giaman bilong Oscar Tamur, John Kaputin, Damien Kereku na Daniel Rumet wantaim Melkior To Mot. Olgeta lida hia, wan wan i laik bos tasol bambai husat i harim tok bilong ol?

John Kintau,
Rabaul.

Wantok I Gat Rong

Dia Edita.- Mi kamap nupela long Niugini. Mi no save gut tok Pisin. Sapos mi raitim kranki yu inap stretim em a?

Orait nau, mi gat sampela tingting long ol askim bilong Wantok na ol tok gavman i bekim, ol i kamap long namba 3 Wantok (Trinde Septemba 2). Ating gavman i no abrusim ol askim, nogat. Ating wanpela wokman o meri long opis em yet abrusim ol pepa. Sapos yu mekim olsem:

Bekim tok 2 i kamap long askim 1,4 long 2,3 na 1 long 3,7 long 4,9 long 5,6 long 8,10 long

9,8 long 10 bai ol i kamap long ples klia.

Mi no ken save long arapela askim na bekim tok. Save bilong mi i no inap. Mi no klia long mining bilong ol.

Tialek
Ukarumpa

(Sori. mipela tu i ting ol tokbek i kranki. Tasol kiap yet i lukim ol pinis na i raitim nem bilong em aninit long ol tokbek. Olsem mipela i no inap pinisim. Wantok)

Sampela Rabis Tisa

Dia Edita.- Watpo rabis tisa i kisim planti mani? Long hap ples bilong mi tisa i no save bihainim taimtebol. 8.30 klok pinis longtaim, skul i no kirap yet. Planti taim em i wokabaut long haus bilong em na i stap; maski skul. Yu lukim insait long klas bilong em, sumatin i pilai na toktok. Skul i doti, sumatin i gat pasin bilong buskanaka.

Peter Mai
Madang

Yumi Wet Long Selp Gavman

Dia Edita.- Mi lukim niuspepa na mi hepi tru. Sampela man i tok long Niugini i kisim selp gavman nau. Planti man i no laik kisim nau. Planti man i stap long bus i no save, selp gavman i helpim yumi o nogat. Yumi wetim planti yia moa pastaim. Olgeta hap i gat planti skul i kamap pastaim. Olgeta ples i gat planti pasin bilong tumbuna i stap yet. Skul inap long helpim yumi long gutpela pasin, na tingting na wok bilong yumi. Ol misin i helpim yumi long planti samting. Oli kirapim planti skul, na lainim gutpasin. Sori ol wantok yumi stap wantaim ol waitman i gutpe-

la tru. Yumi yet i laik kamap strong, na lusim ol waitskin bambai yumi lus tru. Yupela i harim nius long redio na yu save, ol man bilong Rasia i pait olgeta taim. Ol i kam long ples bilong yumi, bambai yumi lus olgeta.

Dui William
Mt. Hagen

Mi Laikim Nem Gini Tasol

Dia Edita.- Mi harim long redio na ol tok bai yumi givim nem bilong kantri bilong yumi olsem "AGINI". Tingting bilong mi olsem inap long yumi givim nem bilong kantri bilong yumi olsem "GINI". Long wanem insait long Niugini, gat planti kain kain pikinini diwai na dispela pikinini diwai yumi kolim GINI tasol, long tok ples bilong mi long Kabwum.

Genzi Kenza
Kabwum

Em hia ol nem bilong sampela arapela manmeri i bin raitim pas i kam. Tasol sori, i no gat inap ples bilong prinim. Mipela i tenkyu long ol.

Raymond Meproch, Aibom; Francis Kikoli, Aibom; Joseph Bade, Wewak; John Sarrea, Lorengau; Alfred Arorua, Manam Ailan; Peter Wauia, Wewak; Genzi Kenza, Kabwum; Willy Yauimbi, Sassoaya; Anthony Sause, Madang; Monica Singut, Yarapos; Bibiana Manjin Yarapos; Lize Naunai, Yarapos; Roseline Anapi, Yarapos; E. Betson, Sohan; Kaine Franz, Kamaliki; Mathias Manito, Kundiawa; Grikil Benedikt, Kamaliki; Franz Kabloa, Kamaliki; Pius Suo, Kamaliki; Florian Gene, Kamaliki; John Tagai, Gembogl Alois Gani, Mugil, Alphonse Kembre, Wewak;

Wantok Publications,
P.O. Box 298, Wewak, i
wokim, na Wirui Pres
long Wewak i prinim.

Pamim Haus I Gutpela O Nogat

Dipatmen bilong ol wok dokta i lukautim wok bilong ol malaria tim i save pamim marasin DDT long ol haus. Planti pipel i tok dispela marasin i nogut. Ating planti pipel i lusim tingting o i no save long ol gutpela samting dispela marasin i save mekim.

Yumi givim wanpela exampel: long ol bikpela gaden bilong didiman dispela marasin i save kilim ol binatang nogut, na olsem ol samting long gaden i save karim planti gutpela kaikai moa.

Ol malaria tim bilong pamim marasin DDT i gut-

pela. Ol i save helpim long daunim sik malaria, na planti milion pipel i no moa kisim dispela sik.

Long Niugini ol malaria tim i pamim marasin inap 12-pela yia. Olsem nau sik malaria i no bikbos tumas long mekim ol manmeri i no inap long wok. Na i no save mekim planti yangpela pikinini i save dai.

Sapos ol malaria tim i no save pamim ol haus insait long Teritori, bai sik malaria i kamap strong gen long ol sampela ples, bipo ol i winim malaria pinis. Dispela i wanpela samting nogut tru. Kain trabel olsem i kamap pinis long kantri Selon. Bipo ol i gat tupela man tasol i kisim sik malaria. Bihain long 2-pela yia malaria tim i no moa pamim marasin, nau dispela sik malaria i kisim 2,000,000 pipel olgeta.

Danekatu Kopratif bilong Kieta i winim profit inap \$2,723 dispela yia. Darami Kopratif i winim \$3,000.

STIAMAN BILONG OL SKUL

Mista Matthias Toliman, Ministerial Memba bilong bosim ol skul, i bin makim 14 man bilong nupela komiti bilong stiaim wok bilong ol skul long Teritori.

Dispela lain man bai i lukautim ol skul bilong ol misin na gavman i bung long nupela pasin bilong wok wantaim. Em nem bilong ol man i wok long helpim tingting bilong Mista Toliman:

Ol memba bilong gavman: Dokta K. McKinnon, Dokta V. McNamara, Mista Tau Boga, Mista Samuel Piniau. Ol memba bilong ol misin: Pasto Janadabing Apo, Pater Ignatius Kilage, Mista A. Neuendorf. Ol memba bilong lain bilong ol tisa: Mista T. Chapman, Mista L. Lavatul. Ol memba bilong ol lokal gavman kaunsil: Mista Vernon Guise, Mista Stanley ToMarita. Ol memba bilong ol taun. Mista Maori Kiki na Mista Aubrey Schindler. Memba bilong ol bikskul tru, em Dokta J.T.Gunther.

PLANTI TOK KROS LONG BASET

(New Guinea News Service)

Ol memba bilong Haus Asembli i orait long baset bilong yia 1970 na 1971. Tasol pastaim ol i toktok planti na sampela tok kros i kamap long Pangu Pati na ol Mataungan tu.

Baset em i olsem hamas mani kantri i mas kisim na tromoim long wanpela yia. Long Niugini em i kam inap \$242,000,000... em i olsem sapos yu givim wan handet dola (\$100) long olgeta man meri pikinini long Niugini. Australia i givim pinis \$141,000,000 long dispela yia bilong helpim Niugini.

Taim ol i toktok long baset long Haus Asembli, Mista Neville, memba bilong Sauten Hailans, i kirap tok, bel bilong em i hat. Long wanem em i harim tok gavman i laik wokim wanpela nupela haiskul long Kokopo bilong helpim ol Mataungan.

Em i tok, mobeta ol i wokim dispela haiskul long Toma, em i ples in-

sait long distrik bilong Mista Matthias Toliman, em Ministerial Memba bilong bosim ol skul.

Mista Oscar Tammur, memba bilong Kokopo, i harim dispela tok na em i kros moa, i spik: sapos gavman i no wokim haiskul long Kokopo, bai ol Tolai pipel i askim wanpela arapela kantri long lukautim ol.


Mista Michael Somare, hetman bilong ol polititik bilong Pangu Pati, i tok em i no laik ol 146 lokal gavman kaunsil i mas tromoim takis bilong olgeta samting i kam insait long kantri, olsem olgeta arapela manmeri i mas mekim. I olsem: long olgeta wan dola ol i mas bungim tu sen.

Tasol ol memba i no orait long tok bilong Mista Somare. Olsem nau ol lokal gavman kaunsil i no bungim takis tasol; ol tu ol i mas takis. (N.G.N.S.)

Wanpela Tolai nau i bosim ol skul long Is Sepik Distrik. Nem bilong em Mista Paulius Nason.

Nupela Ples Bilong Haus Asembli

Sampela man i laik bai nupela Haus Asembli i stap long Arona Veli klostu long Kainantu long Isten Hailans. Ol i laik dispela bai i bikples bilong gavman. Ol i lukim ol arapela ples tu olsem Port Moresby, Lae, Madang, na Goroka tasol Arona Veli i nambawan ples tru bilong putim. Dr. John Guise, siaman bilong komiti bilong painim nupela ples bilong Haus Asembli, i bin givim dispela ripot long Arona Veli. Dispela ripot i bin tok se, Arona Veli i no bilong helpim ol Hailans o bikples tasol. Em i stap namel long tupela wantaim na klostu long mak bilong Papua na Niugini.



HELT

Long pepa i go pinis mi bin rait long kaikai ol mama i mas givim long ol bebi bai ol i kamap strong. Mi bin tokim yu-pela olsem, gutpela kaikai tru bilong ol bebi i susu bilong ol mama. Tasol mama i mas skulim pikinini long laikim ol-kain kaikai; wara bilong switmulu na painap, kumu, sup, kiau, abus na pis.

Long dispela wik mi laik rait long Infan Welfe Nes. Ol dispela nes i save helpim ol mama na pikinini long olgeta hap bilong Niugini. Long mekim ol dispela wok ol i save go long ka, kanu, balus na wokabaut. Sampela i wok long Gavman na sampela i wok long Misin, tasol olgeta ol i bin kisim trening long lukautim ol mama na bebi.

Sampela pipel i ting olsem, ol Infan Welfe i save helpim ol bebi tasol. Em i no tru. Ol i save lukautim ol meri i gat bel tu. I bikpela samting tru long ol meri i gat bel. Sapos mama i gat sik, bai bebi i no inap long kamap gut insait long bodi bilong em. Sampela bebi i save dai long dispela kantri bikos mama i karim ol hariap tumas o bebi i no strong inap long pait long ol sik. Sampela taim ol i save dai bikos ol i no sindaun stret insait long bodi bilong mama. Sapos meri i gat bel i go na lukim klinik sista, pastaim long em i karim bebi, ol i ken painimaut long ol dis-

pela samting. Ol i ken tokim yu stret em bebi i sindaun stret na bebi wantaim mama i gat strong. Sapos yu ting olsem yu gat bel, orait yu go na lukim klinik sista bilong yu.

Taim yu karim bebi pinis, yu kisim i go na lukim sista. Em bai helpim yu lukautim em i kamap strong. Bikpela samting tru bilong sista i helpim ol bebi, em long em i givim arakain sut long ol. Dispela sut i stapim tripela kain sik nogut tru i laik kilim bebi bilong yu. Sampela mama i save bringim bebi bilong ol

long wanpela o tupela sut tasol. Dispela i no-gut tru. Ol dokta i wokim dispela marasin ol i tok olgeta bebi i mas kisim tripela sut. Wanpela o tupela i no inap. Sapos yu mekim olsem bai bebi bilong yu i no inap dai long dispela tripela kain sik.

Long olgeta hap bilong teritori ol klinik sista i save lainim ol mama long nupela pasin. Dispela i gutpela bikos bai ol pikinini i kamap strong. Harim tok bilong sista na mekim olsem em i soim yu pinis.

Sapos ol mama i holim gut ol dispela lo bai ol bebi i kamap gut tru.

HAUS KUK

Rais Wantaim Kokonas

1. wasim rais
2. boilim sampela milis o wara bilong kokonas
3. milis i boil i stap, nau kapsaitim rais i go daun insait
4. nau katim sampela lombo, anian, tomato i go liklik liklik
5. rais i tan pinis, nau kapsaitim ol anian samting i go daun insait.

Yupela liklik lain sipsip, yupela i no ken pret. Papa bilong yupela i pasim tok pinis long givim kingdom long yupela. (Luk 12,32)

DISPELA NIUSPEPA WANTOK BAI I KAM LONG YU LONG T.A.A.



**TAA i namba wan
balus tru.**

**Olsem na ol misis bilong
balus bai lukautim
yu gut tru. Ol mama
tu ken flai long TAA.**

Sapos yu laik flai long balus bilong TAA,
yu ken kisim tiket long Ofis bilong TAA long olgeta
hap bilong dispela Teritori.

TAA No.1 - the friendly one




'READ'

THE LITERACY AND
LITERATURE MAGAZINE

- Published Quarterly
- Subscription \$1 yearly

The Editor, Box 43,
P.O., Ukarumpa, E.H.D.



KODAK INSTAMATIK Kamera 133

Em hia wanpela kam -
era inap olgeta wok-
man i ken baim.
Olgeta skulboi inap
long kisim poto long
en. Em i isi tumas.

Em i kostim \$13.50 tasol.

- Sapos yu gat wanpela KODAK INSTAMATIK KAMERA bai yu win tru.
- Yu inap kisim poto long biksan, long taim klaut i pas, long ples tudak olgeta na long nait.
- KODAK INSTAMATIK i gat wanpela liklik bateri na liklik lait insait long en.
- KODAK INSTAMATIK i gat wanpela paspas let bilong karim karim nabaut wantaim yu.

yu baim long: **RABAU PHARMACY**
P.O. Box 76 RABAU Telefon 2504

OLGETA KAIN KAIN **SEL**

BILONG SIP, TRAK, PLANTESIN
O HAUS I GO ANTAP LONG HAP KA

MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol.
Yu rait long mipela pastaim!

- * MI KEN SALIM I GO INSAIT LONG 24 AUA
- * SALIM I GO LONG OLGETA HAP PLES

CANVAS & CORDAGE PTY. LTD.

AH CHEE AV., RABAU.

P.O. BOX 476

PHONE 2008.

NUPELA KAMPANI LONG RABAU

Long hap bilong Rabaul ol Tolai i resis nau long gutpela samting: long kamapim tupela nupela bisnis kampani bilong bosim kakao.

Long 1960 inap nau ol Tolai i gat wanpela gutpela kampani tru, ol i kolim Tolai Kokao Proje. Em i wanpela kopratif bilong ol Tolai stret. Dispela kapratif i winim planti mani moa, em i bin bekim dinau inap \$500,000. Em tu i bosim 18 kakao faktori na planti samting moa.

Ol Tolai insait long dispela kopratif i hepi tru, ol i win tru. Tasol nau nogat. Ol Mataungan yet i kros bikos Rabaul Lokal Gavman Kaunsil i bosim dispela kopratif, olsem na ol i tambuim ol wantok long bringim kakao long en.

Na yu save, pasin bilong kopratif i olsem: sapos ol memba yet i no

wok wantaim kopratif, bai ol i no kisim mani na bai kopratif yet i bagarap. Olsem na kopratif bilong ol i laik pinis nau.

Tasol ol Mataungan i tok, maski ol yet i laik kamapim wanpela nupela draipela kampani bilong ol stret. Bai ol i kolim Tolai Developmen Kampani. Ol i tok bai dispela kampani i bosim olgeta kakao na olgeta samting moa ol Tolai i laik baim o salim i go.

Rabaul Lokal Gavman Kaunsil i lukim kopratif bilong ol Tolai i bagarap, nau ol tu i laik kamapim wanpela kampani ol i kolim: Tolai Kakao Kampani.

Olsem tasol tupela lain wantaim i wok long kamapim nupela bisnis long hap bilong ol Tolai na helpim dispela sindaun bilong ol.



Em hia ol bun bilong haus sik bilong gavman long ples Higaturu. Taim Maunten Lamington i pairap long yia 1951, dokta na olgeta nes insait long dispela haus sik i lus pinis.


Long Janueri 1951 Maunten Lamington i kilim i dai olgeta 35 waitman bilong ples Higaturu na samting olsem 4000 pipel bilong lain Orokaiva.

Long las kibung bilong Haus Asembli, memba bilong Talasea, Mista Jon Maneke, i tok em i laik gavman i salim ol man i stap klostu long Maunten Ulawan long Nu Briten i go longwe. Nogut dispela maunten tu i pairap olsem Maunten Lamington bipo na planti man i lus. (Piksa N.G.N.S.)

WAN DOLA

Sapos yu salim \$1 (wan dola)
i kam long mipela
bai mipela i salim niuspepa WANTOK
i go 7 pela taim long yu.

Em i kam
long balus.




Sapos yu laik kisim
niuspepa WANTOK
yu mas salim dispela
hap niuspepa i kam
bek wantaim \$1 (wan
dola).

Adres bilong mipela
em hia:
WANTOK PUBLICATIONS
INC.,
P.O. BOX 298, WEWAK.

NEM BILONG YU HIA:

ADRES BILONG YU HIA:

SANYO




TEP RIKODA

Smolpela tru. Strongpela moa.
I no kostim planti. Yu inap
yusim long bateri tasol.



NAMBAWAN REDIO bilong harim
musik na nius. Yu baim Sanyo
long liklik mani tasol.
Karim Sanyo i go long ples
bai ol i amamas tru, bai yu
gat namba.



PIKAP NA REDIO WANTAIM

Sanyo - samting tru. Sanyo - smat moa.
Tupela spika. Yu laik harim redio?
Orait. Yu laik pilai rekot? Orait.
Sanyo i redi - oltaim.
Maski lektrik. Bateri inap.

Ol samting bilong SANYO
i kamap long
dispela kampani hia:

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185


LAE
P.O. Box 557

RABAU
P.O. Box 222

MT HAGEN
P.O. Box 237.

WEWAK
P.O. Box 178.

KIETA
P.O. Box 77



Lephan Antap: Ol o:
toktok bilong bos b:
glasim gut kago long s:
at man i kam nupela lo:
im samting nogut o ka:
bek o rausim. (Piksa D

Raithan Antap: Sampe
bilong kukim gutpela ka:
wan tru. (Piksa D.I.E.s

Lephan daunbilo: Wan
long sel tasol i anka:
Dispela bot i no gat r:
tasol. Long dispela j
sanap nabaut antap lon:
Dispela bot em i kam l:
im Argentina. (Piksa D

Namel: Tupela man
wanpela man i save tum:
o kain kain piksa long

Raithan daunbilo: Di
pela satelait, i ols
wokim pinis. Dispela h
rop na Afrika. Long yi
im wanpela dispela ka
gat kain kain masin b
ol guria na bikpela
wel, na ain kopa samti
Taim em i wokabaut em
(Piksa I.P.S.).





bilong kastam i harim
ol, bai ol i ken save
i save glasim tu hus-
tri. Sapos ol i bring-
gut bai ol i mas bekim
(.)


i lainim nupela pasin
Bai ol i kamap namba-

bikpela bot i save ron
ap long Port Moresby.
em i save ron long sel
yu ken lukim ol man i
igin bilong holim sel.
npela kantri ol i kol-
(.)

ami i toktok wantaim
g sapim pes bilong man
(Piksa D.I.E.S.).

em i piksa bilong wan-
npela sta ol man yet i
okabaut antap long Yu-
bai ol Amerika i sal-
i go antap. Em bai i
salim bek toksave long
a tu hamas kolwara, na
tap insait long graun.
im ol dispela samting.







Here's an airline that's really going places

We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

Oltaim oltaim mipela i flai long sampela nupela ples...olsem nau olgeta de long Kieta. Liklik taim bai mipela i flai i go long wampela ailan bilong Amerika i stap longwe moa, ol i kolim Guam. Nau tasol mipela i bungim tupela nupela balus tru, ol i kolim Twin Otter 300, long lain balus bilong mipela. Olde, olde mipela i go het - olsem Niugini tu i go het. Mitupela i go, i go, i go het wantaim.



ANSETT AIRLINES OF PAPUA NEW GUINEA
in conjunction with Ansett Airlines of Australia.

Haus Marasin

bilang

E.D. Clarke Pty. Ltd.
Rabaul & Kavieng

Em hia stua tru bilang
baim olkain marasin na
poto kamera samting.

Box 457
RABAU

Box 99
KAVIENG

Christian Literature

Books for service and education,
School supplies in English and Pidgin

Kain kain buk
bilang lotu na skul



KRISTEN PRES

Publishers - Printers - Booksellers - Stationers

Sales Division: Christian Book Centre
P. O. Box 222, Madang

PRESIDEN BILONG ISIP I DAI

Presiden bilang wanpela kantri long Not Afrika, ol i kolim Isip, i dai long 28 de bilang mun Septemba. Nem bilang dispela man em i Gamal Abdul Nasser.

Nasser i kamap Praim Minista bilang Isip long yia 1954 na bihain long tupela yia em kamap Presiden.

Tru, em i gat sik inap tupela yia, tasol dai bilang em i mekim 30

milion pipel bilang Isip i kalab nogut.

Lukim Isip long piksa bilang graun. Dispela kantri i stap long gutpela ples tru, arere long Sues Kanel. Kanel em i olsem wanpela bikpela baret ol man i save wokim bilang bungim tupela bikpela wara. Sampela yia bipo ol Isip i pait wantaim ol Israel na nau dispela Sues Kanel i pas i stap.


Nupela Trakta Bilong Tisa Koles




Ol sumatin i wok long lainim wok tisa long St. Benedik Koles long Wewak i wok long lukim trakta em Karpenteria Eksploresen Kampani (Carpentaria) Exploration Company) i bin givim ol. Wanpela hetman bilang Australia, Mista F.M. (Tim) Bennett i bin givim dispela trakta long ol.

Trakta em dispela kampani i bin givim, bai i helpim ol long mekim wok didiman. Em bai i gutpela long helpim ol long lainim ol sumatin bilang Is na Wes Sepik, na Westen Distrik tu long mekim wok didiman.

Mista Matyu Moro bilang Marienberg i bin kisim dispela trakta long nem bilang olgeta sumatin. Em i givim bikpela tenkyu tru long Mista Bennett long givim dispela presen long ol. Em tu i tenkim kampani bilang painim kopa long Maunten Isa long Australia bikos ol i helpim go het bilang ol pipel. Em tu i tok se, wok didiman bai i go het gut wantaim wok gol mani long Sepik.



WOK GAVMAN



Plantitaim yumi harim ol man i tok olsem, "Mi no laik wok kaunsil, ol i no save baim yumi liklik." O, "Mi no ken baim takis, mi bai kisim senis. O, "Ileksen em i samting bilong ol waitman, mi no ken go insait long dispela kain wok." Olsem wanem long ol dispela kain tok? Em i gutpela o no gat? Bai yumi mas helpim ol wok bilong gavman tu o no gat?

Long Baibel Paul i skulim ol man long Rom olsem taim ol i askim long ol dispela samting. 'Olgeta man i mas i stap aninit long ol gavman... Olgeta wok bilong gavman em i kamap long han bilong God tasol..... Olsem man i sakim maus bilong gavman em i sakim pasin bilong God tu..... Gavman em i wokman bilong God, bilong helpim yu na yu stap gut..... Bilong dispela tasol yupela tromoi takis tu. Long wanem: Ol gavman i stap olsem wokman bilong God, na oltaim ol i strong long lukautim dispela wok tasol. (Rom. 13)

Yumi mas:-

- 1) Baim takis
- 2) Wok kaunsil
- 3) Vot long ileksen

Hia long Niugini bai yumi mas mekim wanem kain wok tru bilong gavman.

Em ol dispela wok hia em i wok tru bilong ol manmeri bilong Niugini. Em ol dispela wok i mas kamap sapos yumi laikim kantri bilong yumi i kamap gut.

Narapela samting tu. Dispela pasin bilong:-

- A) Kisim senis long taim bilong baim takis
- B) Bilong giamanim kaunsil long taim bilong wok.
- C) Bilong slip long ileksen

Em i no stret tru. Kain Pasin olsem i save bagarapim kantri bilong yumi na daunim ol gutpela wok bilong yumi.

Orait yumi harim pinis, sapos sampela tok olsem i kamap long ples bilong yumi, yumi mas wok long daunim. Yumi mas pinisim tru ol dispela kain aidia long ples bilong yumi bai kantri bilong yumi i ken ran gut.

Em tasol liklik toktok bilong mi. Sapos yu laik bekim orait salim i kam long Wantok.

HAILANS KIBUNG

(New Guinea News Service)

Namba wan komiti tru bilong Niugini, em Eksekutif kaunsil bilong namba wan gavman, bai i mekim sampela kibung long Westen Hailans long mun Oktoba.

Dispela kaunsil i save wokim ol bikpela lo tru bilong Niugini.

Dispela kaunsil bai stap long Westen Hailans inap 5-pela de, olsem bai ol memba i gat inap taim long raun na lukluk long ol samting ol i mekim long dispela hap. Dispela bai stat long namba 12 de bilong Oktoba.

Long dispela lukluk raun bai ol i toktok wantaim skul pikinini, ol memba bilong Haus Asembli, ol bisnisman na ol Lokal Gavman Kaunsil.


Namba wan gavman Mista Johnson, i laikim kaunsil i go kibung long olgeta hap bilong Teritori, olsem bai ol pipal i kisim moa save long wok bilong dispela kaunsil.

WEWAK TIMBERS PTY. LTD.


(MASTA SNO NA MASTA ED)

PHONE 93 & 228

OL HAUS BILONG MIPELA I STRONG TRU
TASOL I KOSTIM LIKLIK TASOL



3 Bedroom



2 Bedroom

(All houses passed by the Building Board)

long somil bilong mipela yu inap kisim olkain plang - painim ol samting i redi bilong wokim haus - painim ol kamda bilong wokim haus

ALL TYPES OF SAWN TIMBER

Low cost houses built or material supplied

Also at:

BOUGAINVILLEA DR. MADANG, PHONE 2214

MALAGUNA RD

Cables:

RABMETIN RABAU



RABAU T.P.N.G.

Postal Address:

P.O. BOX 62 RABAU

RABAU METAL INDUSTRIES PTY. LTD.

- ★ SHEET METAL WORKERS & EQUIPMENT FABRICATORS
- ★ JOBBING SPECIALISTS IN ALL METALS

"ANY QUANTITY — ANY DESIGN"

Manufacturers of:

- Fuel & Water Tanks — Roof Materials
- Sheet Metal Products — Mild Steel Products
- Frame Fabrication in Pipe & Steel
- Stainless Steel Products

Plantation Requisites Including:

- Kiln Pipes, Flue Pipes, Smoke Boxes & Drum Bands
- Fireproof Cements, Fire Bricks & Cast Iron Lead Pipes

For Detailed Information on R.M.I. Manufacturing
Refer to the Above Trade Mark Under
the Following Classifications:

- STEEL FABRICATORS ● TANK MANUFACTURERS
- STAINLESS STEEL PRODUCTS
- DRYERS' SUPPLIES ● WELDERS

TELEPHONE RABAU

2062 - 2063 - 3162

FIJI

On October 10, our South Pacific neighbour, Fiji, will gain its independence. Prince Charles will be there from England, to raise up the new Fijian flag for the first time. Since England has taken such good care of the 320 islands for just ninety-six years, the Fijians want to remain within the British Commonwealth Family as a dominion. Australia is also a dominion.

Niuginians will watch Fiji very closely after it is independent. Real Fijians belong to the same Melanesian Family as Niuginians do. But Fiji is a complicated place. It has many kinds of people. In fact there are more foreigners than there are Fijians. There are more Indians than Fijians. This might cause trouble.

The Indians came to work in the sugar fields almost a hundred years ago. They stayed and raised large families and now have very important positions in business; in many ways they control the country. But one thing: they cannot get the land which they need. They can only rent land for 10 years at a time. Eighty-three per cent of all the land belongs to the Fijians and they may not sell it. That is their law.

It will be very interesting to see how the Fijians and the Indians can work together after independence...and Niugini will be watching and learning.

The new ruler of the country is Prime Minister Ratu Sir Kamisese Mara, a Fijian. He belongs to the Alliance Party, which is a mixture of all kinds of people. The opposition party, called the National Federation Party,


is completely Indian. They try to keep the various departments of the government half Fijian and half Indian so as to keep peace in the family.

Fiji is thirteen times smaller than Niugini. It has only one fourth as many people as we do. It is not as wealthy as we are. Its main exports are sugar and copra. It depends much on tourists for making money. It must import much food, machinery, and oil.

In a sense though, these islands are a paradise. Fiji is one of the healthiest countries on earth. For example, they have no malaria at all in this tropical country.

Fiji is the crossroads of the Pacific Ocean. Almost all ships and planes travelling between America and Australia stop here. No less than eight big airlines touch down at Fiji several times each week.

We wish Fiji all the best. May she set us fellow Melanesians a good example in independence.



A Fijian policeman directs traffic on a corner in the capital city of Suva.

Women Attend Meeting

Councillors of Pangia Local Government Council in the Southern Highlands District have agreed to invite three women to attend the council's meetings.

These women will represent all women in the Pangia area and will be able to take part in

any council's meetings but they will not be able to vote. At present, there are no women councillors on the Pangia Local Government Council.

There have been several calls recently for more participation by women in council activities.

CROSSWORD WINNER

The winner of Crossword No.2 was Mr. Nicholas Tei, Chanel College, Ulapia.

Other correct entries were sent in by the following:-

John Turlus, John Kokina, Raimus Gimali, Joseph Kaitu, William Wane, Thomas M. Leslie, Jennt Duku, Gerty Vlumbo, Ignatius C. Kavangu, Arnold P. Windalavi, Michael Hoimi, Thonny Nimbalmé, Father Florian, Augustine A. Autou, Pte. Jimmy Pok, Kamaliki Katekist Skul, Barbara Betz, Father Kilage, Bryan Hooley, Brother Michael, Sister Theomedis, S. Robert Karol,

New Department

The Administrator, Mr. L. W. Johnson, and the Chairman of the Public Service Board, Mr. G. Unkles, late last month announced that the Minister for External Territories, Mr. C.E. Barnes, had approved the establishment of a new Department of Business Services. The new Department would comprise the existing divisions of co-operatives Extension and Business Training and Management of the Department of Trade and Industry.

Mr. Johnson said the Minister's decision was in keeping with the importance which the Government attached to the rapid promotion of indigenous participation in business enterprises. This was vital in a developing country such as Papua and New Guinea.

Personnel from the divisions of Co-operatives Extension and Business Training and Management of the Department of Trade and Industry would be transferred to the new Department.

Anthony Soally, Raphael A. Okun, Melanie Laua, M. Ombiolu Marai, Nicholas Dopo, Herman Gabuzzi, Lawrence S. Kramer, Gerard Dopu, Tony White, Cpl. Robert Kwiku.

Te Rangi Miroa Fund

The trustees of the Te Rangi Miroa Fund announced recently the results of the essay competition among the Teachers' Training Colleges within the South Pacific Commission area.

The following competitors have been awarded \$5.00 worth of historical books each for the best essay within each College:- Mr. Kapatae Sanford, Madang Teachers' College; Mr. Anton Dagil, Holy Trinity Teachers' College, Mt. Hagen; Miss Lydia Peesung; Port Moresby Teachers' College, Miss Aiga Poasa Pei, Teachers' Training College, Apia, Samoa; Miss Vaciseva Rokomarama, Nasinu Training College Suva, Fiji; and Mr. Samu B. Lawedrau, Fulton Missionary College, Taillevu, Fiji.

The prize for the overall winning essay was shared by Miss Lydia Peesung of the Port Moresby Teachers' College and Mr. Samu B. Lawedrau, of the Fulton Missionary College, Taillevu, Fiji.

Miss Peesung and Mr. Lawedrau were each awarded \$20.00 worth of historical books.

Yupela i no ken mekim ol gutpela gutpela pasin bilong yupela long ai bilong ol man, bilong ol i lukim. Sapos yupela i mekim olsem, bai yupela i no kisim wanpela pe long Papa bilong yupela i stap long heven. (Matyu, 6, 1)

Teachers Unite

During their August in-service training course, two hundred fifty-five government and mission teachers met at Kaindi near Wewak to lay the foundation of the East Sepik District Teachers' Association.

The ultimate aim of this pioneering group is to awaken interest in a national Teachers' Professional Association which would work hand in hand with the Administration's Teaching Service Commission. The Education Department in Port Moresby is in favour of this idea.

The reason is that this new Association aims mainly at one thing to keep improving the professional standard of all teachers and to keep them up with the latest teaching methods. Of course, it could also influence such things as laws concerning working conditions and salaries. But this is secondary.

There are more than 8,000 qualified teachers in the Territory who would be able to join such a national Association.

This first meeting in Kaindi may have been a historic moment: the birth of a new idea. The

East Sepik District Teachers' Association is now gathering its first executive board of twelve members who will draw up a constitution. The group contains teachers of all races, religions, and types of schools.

It already has the following elected members:

President: Mr. Herman Kabai (Dagua).
Vice President: Mr. Michael Freeman (Wewak).
Secretary: Miss Sheila Hawthorn (Wirui).
Treasurer: Mr. Francis Karapawi (Moem).

The remaining eight posts are open to one representative each of the Roman Catholics, the Protestants, the Administration, the combined local high schools, the Maprik professional group and the Angoram professional group. The local District Education Board will also have two members on the executive committee of the new organisation.

Teachers from the largest group of professional people in the Territory. They can only benefit by pooling their talents and leadership qualities. The future of New Guinea is in their hands.

Dried Fish Project

Gaui Local Government Council in the East Sepik District has set aside \$1,000 to establish a dried fish project for the council. The council clerk, Mr. F.D. Oudsten said plans are underway for the construction of two buildings for use as a cleaning and packing house and a smoking house.

Mr. Oudsten said the council plans to buy fish caught by local people in the area at two cents a pound. The council will employ two local men to work in the

cleaning and smoking houses processing the fish.

The smoked fish will later be packed in bags and boxes and sold in the Sepik area, Madang and possibly the highlands people. Waste from the fish project will be fed to crocodiles in the council's crocodile farm which is also to be established soon at a cost of \$4,000. Mr. Oudsten said the fish project will provide a source of protein for the people.

The fish project is expected to come into operation by November this year.



Skel yupela i save givim long ol man, dispela skel tasol bai God i bekim long yupela. (Mak 4, 24)
 (Baibel Sosaiti i orait long mipela i ken prinim dispela pikea.)

WANTOK

Sapos mipela i salim i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

*Wantok Publications Inc.,
 P.O. Box 298, Wewak*

ADVERTISING RATES

Casual \$2.00 per single column inch.	
3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40
Classified Advertising: 65 cents first 2 lines; 30 cents each additional line.	
Published 1st and 3rd Wednesday of the month.	


B.&G. MOTORS PTY. LTD.



P.O. BOX 4, WEWAK
 PHONE: 123, A.H. 257.



Vehicle Repairs & Service
 All Work Done By Expert Mechanics



NEW CAR SALES

AGENTS FOR: DATSUN - NISSAN - FORD CARS - FORD TRACTORS

WEWAK NEWSAGENCY & STATIONERS


P.O. BOX 4, WEWAK
 PHONE: 122, A.H. 257

Australian & Local Newspapers
 Books, Stationery, Magazines, Postcards, Etc.




AGENTS FOR: ELECTROLUX FREEZERS - HOOVER - SONY - EVINRUDE
 OUTBOARD MOTORS - VICTA LAWN MOWERS

TUMBUNA BILONG OL BALUS



Em hia wampela draipela smokbalus tru. Em i no inap pundaun long Niugini. Dispela balus ol i kolim 747. Em i save karim 450 pasindia wantaim. Inap nau dispela arapela liklik balus aninit long em ol i kolim 707, em i namba wan. Tasol nau em i manki nating.



CARPENTERS

NAMBA WAN STUA LONG PAPUA NA NEW GUINEA BILONG BAIM GUTPELA KAIKAI NA OLGETA KAIN SAMTING. TAIM YU LAIK GO LONG STUA....YU GO LONG STUA BILONG CARPENTERS

PORT MORESBY DANG RABAU LAE